



JU UNIVERZITET U ZENICI

**VODIČ
ZA PRISTUP INFORMACIJAMA**

Zenica, novembar 2019. godine

Na osnovu Odluke Rektora Univerziteta u Zenici, broj: 01-03-6-4303/19 od 19.11.2019. godine, a u vezi s članom 20. tačka 1) Zakona o slobodi pristupa informacijama u Federaciji Bosne i Hercegovine („Službene novine Federacije BiH“, broj: 32/01 i 48/11), Univerzitet u Zenici, objavljuje

VODIČ ZA PRISTUP INFORMACIJAMA

I. UVODNE NAPOMENE

Ovim Vodičem uređuje se način i postupak pristupa informacijama pod kontrolom Univerziteta u Zenici. Ovaj Vodič je javno objavljen i dostupan na web stranici Univerziteta u Zenici (www.unze.ba), a putem koje se može preuzeti.

Adresa Univerziteta u Zenici je Ulica Fakultetska broj 3. 72000 Zenica.

II. PRISTUP INFORMACIJAMA

Pristup informacijama koje su pod kontrolom Univerziteta u Zenici pokreće se na osnovu zahtjeva u pismenoj formi sa navedenim podacima podnosioca zahtjeva (lični podaci i adresa), na jednom od službenih jezika u upotrebi u Federaciji Bosne i Hercegovine, sa dovoljno podataka o prirodi i/ili sadržaju informacije, kako bi se omogućilo Univerzitetu u Zenici, da uz razuman napor, pronađe traženu informaciju.

-Utvrđivanje izuzetaka-

Univerzitet u Zenici će utvrditi traženu informaciju izuzetom od saopštavanja na osnovu ocjene svakog pojedinačnog slučaja.

Prva kategorija izuzetaka odnosi se na djelokrug rada Univerziteta u Zenici, te u tom smislu od saopštavanja mogu biti izuzete informacije čije bi saopštavanje moglo izazvati značajne štete za slijedeće legitimne ciljeve Federacije Bosne i Hercegovine:

- interese odbrane i sigurnosti, kao i zaštita javne sigurnosti;
- sprječavanje kriminala i otkrivanje kriminala;
- zaštita postupka donošenja odluka na Univerzitetu u Zenici, uključujući davanje mišljenja, savjeta ili preporuka bilo da se radi o licu zaposlenom na Univerzitetu u Zenici ili drugom licu koje radi za ili u ime Univerziteta u Zenici, s tim da to ne obuhvata činjenične, statističke, naučne ili tehničke informacije.

Druga kategorija izuzetaka uključuje povjerljive komercijalne interese treće strane. U tom slučaju Univerzitet u Zenici, bez odlaganja pismeno obavještava treću stranu o pojedinostima zahtjeva i upozorava je da će se tražena informacija saopćiti, ako u roku od 15 dana od dana prijema obavještenja pismeno ne odgovori da smatra da je informacija povjerljiva i navede razloge zbog kojih bi njenim saopćavanjem mogla nastupiti šteta. Nakon prijema odgovora Univerzitet u Zenici će utvrditi izuzetak od saopštavanja tražene informacije.

Treća kategorija izuzetaka odnosi se na zaštitu privatnosti.

Univerzitet u Zenici utvrđuje izuzetak od saopštavanja informacije, ako osnovano utvrdi da informacija uključuje lične interese koji se odnose na privatnost trećeg lica.

III. POSTUPAK PRISTUPA INFORMACIJAMA

III.1. - Podnošenje zahtjeva

- 1.1. Zahtjev za pristup informacijama podnosi se Univerzitetu u Zenici u pismenoj formi, na obrascu koji čini sastavni dio ovog Vodiča, i to na jednom od službenih jezika u upotrebi u Federaciji Bosne i Hercegovine.
- 1.2. Univerzitet u Zenici nije dužan da prevodi zahtjevanu informaciju sa jednog na drugi službeni jezik.
- 1.3. Zahtjev mora imati dovoljno podataka o prirodi i/ili sadržaju informacije, kako bi se omogućilo da Univerzitet u Zenici, uz razuman napor, pronađe traženu informaciju.
- 1.4. Zahtjev mora sadržavati ime i prezime podnosioca zahtjeva i njegovu adresu. Ukoliko je podnosilac zahtjeva pravno lice, zahtjev mora sadržavati naziv, sjedište i adresu pravnog lica, ime i prezime lica ovlaštenog za zastupanje i pečat pravnog lica.
- 1.5. Zahtjev se predaje putem pošte ili neposredno na protokol Rektorata Univerziteta u Zenici u ulici Fakultetska broj 3. Zenica.

- 1.6. Ako se zahtjev odnosi na ličnu informaciju podnosioca zahtjeva, zahtjev, pored naprijed navedenih uvjeta, može podnijeti samo fizičko lice na koje se zahtjev odnosi, njegov zakonski zastupnik ili lice koje je podnosilac zahtjeva pisano ovlastio za pristup informaciji.
- 1.7. Ako zahtjev podnese fizičko lice na koje se zahtjev odnosi, to lice je dužno da potpiše zahtjev i pokaže propisani lični dokument sa fotografijom.
- 1.8. Ako zahtjev podnose zakonski zastupnik podnosioca zahtjeva ili lice koje je podnosilac zahtjeva pisano ovlastio za pristup informaciji, to lice dužno je da potpiše zahtjev i pokaže propisani lični dokument sa fotografijom, dokaz o zakonskom zastupanju odnosno punomoć, kao i kopiju ličnog dokumenta podnosioca zahtjeva.
- 1.9. O zahtjevu za pristup informacijama odlučuje Rektor donošenjem rješenja.

III.2. - Postupanje nakon prijema zahtjeva

- 2.1. Kada Univerzitet u Zenici odobri pristup informaciji u cjelosti ili djelimično rješenje o tome dostavlja podnosiocu zahtjeva.
- 2.2. Rješenje se dostavlja u roku od 15 dana od dana prijema zahtjeva, a protiv istog se može podnijeti prigovor Rektor u roku od 8 (osam) dana od dana prijema rješenja.
- 2.3. Kada je rješenjem odlučeno da se omogućava lični pristup informaciji u prostorijama Univerziteta u Zenici, istim rješenjem se određuje mjesto i adresa prostorija, kao i dan i vrijeme u koje je lični pristup uvidom omogućen.
- 2.4. Rješenje doneseno po prigovoru je konačno u upravnom postupku i protiv njega nezadovoljna stranka može pokrenuti upravni spor pred nadležnim sudom.
- 2.5. Ako Univerzitet u Zenici odbije pristup informaciji u cjelosti ili djelimično podnosilac zahtjeva se obavještava rješenjem.
- 2.6. Rješenje sadrži:
 - zakonski osnov za status izuzeća informacije, uključujući sva materijalna pitanja važna za donošenje rješenja uzimajući u obzir faktor javnog interesa i
 - pouku o pravu na prigovor, naznaku i adresu organa kojem se prigovor podnosi, rok i troškove za podnošenje prigovora.
- 2.7. Prigovor se podnosi Rektor u roku od 8 (osam) dana od dana prijema rješenja.
- 2.8. Rješenje doneseno po prigovoru je konačno u upravnom postupku i protiv njega nezadovoljna stranka može pokrenuti upravni spor pred nadležnim sudom.

III.3. - Troškovi umnožavanja


- 3.1. Univerzitet u Zenici ne naplaćuje taksu ili naknadu za podnesene zahtjeve, rješenja ili obavještenja u smislu Zakona o slobodi pristupa informacijama u Ferdeaciji Bosne i Hercegovine („Službene novine Federacije BiH“, broj: 32/01 i 48/11) i ovog Vodiča.
- 3.2. Cijena se određuje samo za troškove umnožavanja, a utvrđuje se u skladu sa uputstvom federalnog ministra pravde.

IV. OBJAVLJIVANJE VODIČA

Ovaj Vodič objavit će se na web stranici Univerziteta u Zenici.

Broj: 01-03-6-4303/19

Zenica, 19.11.2019. godine



REKTOR
Prof. dr. sc. Damir Kukić